

JOŠ O IZBORIMA

Dok se čeka primopredaja dužnosti na celu MZ Grbavci, još jednom da istaknemo da je izabrana potpuno nova mlada ekipa ljudi u Savjet naše mjesne zajednice. Najviše glasova dobio je Selver Dardagan, sin Izeta koji je inače od početka povratnik u Grbavce, vratio se sa kompletnom porodicom i živi u selu. Kao što smo pisali, bavi se plastenickom proizvodnjom ranog povrća i nema stalno zaposlenje. Za one koji ga ne poznaju, evo i njegove fotografije, a naredne sedmice ćemo napraviti jedan opširniji intervju sa njim i objaviti na našoj stranici.



I ostali članovi Savjeta su po godinama mladi, svi odreda stalni povratnici u selo sa kompletnim porodicama, ali nažalost i svi nezaposleni. Zastupljeni su svi dijelovi sela, tako Muriz Sabić predstavlja istočni dio sela Musice, Sahbegovice, Kadrice..., Selver centralni dio, Enes Cirak Sahbegovinu, a Mirnes Cirak Cirake. Svi su oženjeni i imaju djecu, osim Enesa Ciraka koji je još u momackom statusu. Nadamo se da će nova energija donijeti i dobrobit naše selu u vrijeme kada smo svi u namjeri da popravimo ukupno stanje u Grbavcima.